

Alkitab Buat Bocah

Nampilin



Allah
Ngeberkat
in Yusuf
Si Budak



Nyeng nulis: Edward Hughes

Nyeng bikin gambar: M. Maillot; Lazarus
Alastair Paterson

Nyeng nyocokin: M. Maillot; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.




Yusuf kaga semestinya dibui
ama bekas majikannya Potifar.
Dalam bui, Yusuf taat bangat
dan suka nolongin. Sipir
ngasih kepercayaan
sama dia buat ngatur
keidupan di dalem
bui. Karena Allah
ada sama Yusuf,
bui jadi tempat
nyeng lebih bae
buat semua
nyeng ada di
dalemnya.



Tukang roti ama tukang minuman
Raja juga dibui. "Ngapa kalian
sedih?" Yusuf nanya ama
mereka satu ari. "Kaga ada
orang nyeng bisa ngasih tau arti

ngimpi-
ngimpi
kami"
saut
mereka
nyeng
lagi

sedih. "Allah
bisa" jawab Yusuf,
"Ceritain ngimpimu itu."



"Ngimpimu itu artinya kalo dalem tiga ari lagi Raja Firaun bakalan ngambil kamu lagi" kata Yusuf pada tukang minuman. "Tulung inget sama aku dan mintain ke Firaun buat ngelepasin aku." Ngimpi tukang roti itu kabar buruk.

"Kamu bakal mati dalem tiga ari", kata Yusuf. Kedua ngimpi itu bener-bener jadi nyata.




Tapi tukang minuman lupa sama Yusuf pas Firaun bangun pagi ari dengan ati gak karuan. "Aku ngimpi", ia tereak.



Kaga ada satu orang acan-acan
dari orang nyeng
bijak nyeng bisa
ngartiin

ngimpinya. Lantas
tukang minuman inget
sama Yusuf. Ia ceritain
ke Firaun soal dia.



Lantas Firaun nyuruh manggil Yusuf.
"Ngimpimu itu pesen dari Allah" kata
Yusuf sama raja. Mesir bakalan punya tujuh
taun panen gede-gedean, lantas tujuh taun
panen buruk dan kekurangan makanan.



"Rencanain sekarang juga buat nyimpen makanan selama tujuh taun nyeng bae," Yusuf nasehatin Firaun. "Atawa pendudukmu bakalan sengsara kelaparan waktu panen jelek." "Allah ada sama kamu" Firaun ngumumin. "Kamu bakalan mimpin di Mesir, orang kedua abis aku."




Tujuh taun nyeng bae dateng. Lantas dateng tujuh taun kelaparan. Kurang makanan dimana-mana kecuali di Mesir, mereka dengan bijak nyimpen banyak makanan. Di tempat Yusuf dibranakin, keluarganya juga pada kelaparan.



Orang-orang dari Negara Iaen pada pegih ke Mesir mao beli jagung. "Kamu kudu pegih juga", Yakub nyuruh bocah-bocahnya, "atawa kita bakal mati kelaparan." Pas nyampe di Mesir, bocah-bocahnya nyiapin diri buat beli makanan.



Bocah-bocahnya Yakub
ngebungkukin badan sambil hormat di
depan Tuanbesar nyeng kuasa di Mesir.
Mereka kaga tau kalo itu adenya Yusuf.
Tapi Yusuf kenal ama mereka. Yusuf
inget sama ngimpinya waktu masih bocah
bangat. Tuhan bakal ngangkat dia jadi
nyeng lebih dari abang-abangnya.



Yusuf bijaksana bangat. Ia bicara kasar dan nahan Simeon abangnya jadi jaminan. "Ambil makanan, terus balik ke rumah dan balik lagi ke sini sama ade nyeng paling muda!"

perentahnya.



"Kaya begitu aku tau kalo kamu semua bukan mata-mata." Abang-abangnya pada mikir kalo Allah bakal ngehukum mereka karena udah ngejual Yusuf jadi budak beberapa taun lalu.



Yakub ama anak-anaknya bingung. "Duit kami ditukar ama jagung. Dan penguasa bilang kudu ngebawa Benyamin. Yakub kaga bakalan ngebiarin Benyamin pegih." Tapi pas makanan udah mulain abis abang-abangnya kudu pegih ke Mesir lagi. Benyamin

pegih bareng
ama mereka.



Pas Yusuf ngeliat Benyamin ia nyuruh pembantu-pembantunya buat bikin keriyaan nyeng gede. Abang-abangnya juga diundang. "Apa bapamu masih idup ama sehat?" tanya Yusuf. Bisa jadi ia mikir pegimana caranya ngebawa semua keluarganya ke Mesir.



Yusuf juga pengen tau apa abang-abangnya ngerasa nyesel ama dosa mereka beberapa taun lalu.

Abis keriyaan ia nuduh mereka nyolong. "Buat ngehukum kamu semua, aku bakalan nahan Benyamin jadi budakku" kata Yusuf.

"Tuanku, ambil aja nyawa jadi penggantinya" rengek Yehuda. Yusuf tau kalo Yehuda nyeng dulu ngusulin buat ngejual Yusuf, sebenarnya udah berubah.





Kaga lagi bisa ngumpetin
cinta ama keluarganya, Yusuf
nyuruh semua nyeng bangsa

Mesir keluar dari
ruangan. "Aku ini
Yusuf sodaramu,
nyeng kamu
semua jual
ke Mesir."


Kaget bukan
maen dan
takut abang-
abangnya
pada diem.



Yusuf ngasih kekuatan abang-abangnya.

"Allah nyeng ngejadiin aku jadi penggede di

Mesir biar aku bisa nyelametin nyawa kamu semuanya waktu kelaparan. Pegih, bawa bapaku. Aku nyeng bakalan ngurusin kamu semua."



Yakub ama Yusuf
ngumpul lagi di Mesir
dan semua keluarga
netep di sono dengan
damei ama idup melimpah.



Allah Ngeberkatin Yusuf Si Budak

Sebuah cerita dari perkataannya Tuhan, Alkitab

Ditemuin di

Kejadian 39-45

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

